

STATE OF WISCONSIN

MUNICIPAL COURT
CITY OF SHEBOYGAN AND VILLAGE OF KOHLER
KAB KE TUAJ RAU HAUVTSEV HAIS PLAUB

SHEBOYGAN COUNTY

TUAJ TEB THAWJ ZAUG

Vim neeg feem coob txhawj xeeb txog kev mus rau hauvtsev hais plaub, tej kab ke thiab kev tswjhwm nram qab no yuav qhia tias koj muaj txoj cai li cas thiab tsev hais plaub ua dej num li cas. Lub tsev hais plaub no muaj hwjchim rau kev ua txhaum kev cai tsav tsheb thiab lwm yam nyob rau nroog Sheboygan thiab zos Kohler. Koj yeej muaj cai kom muaj kws lij choj sawv cev, los yog tsis muaj. Yog koj xav kom muaj kws lij choj, koj yuav tau siv nyiaj txiag mus ntiaj ib tug tuaj sawv koj cev. Thawj kauj ruam no yog koj tuaj teb txog yam uas raug iab liam tias koj ua txhaum txoj cai.

Kev Teb

Ntawm kev tuaj tshwm thawj zaug, koj teb tau tej nqi li nram qab no:

TXHAUM- yog koj lees tias tau ua txhaum txoj cai li uas raug iab liam. Yog tsev hais plaub pom zoo nqi no, koj yuav raug nog lub txim txhaum lawv li tau iab liam nyob rau daim ntaww nplua thiab raug teem txim.

TSIS TWV/TSIS NYOM- yog koj tsis lees paub/los yog tsis lees txais txog yam uas raug iab liam, tiam sis tsuas yog xav muab hais kom tas thiab them qhov nqi nplua xwb. Ces tsev hais plaub yuav pom tias koj tau ua txhaum, tiam sis koj tsis tau lees tias koj tau ua txhaum cai pej xeem uas yuav raug siv mus hais lwm yam plaub uas tseem yuav tshwm tom ntej, tshwj xeeb yog thaum muaj raug mob nkeeg los yog tsoo lwm tus tej teej tug.

TSIS TXHAUM- yog koj tsis lees txog yam raug iab liam, rooj plaub yuav raug muab ncua mus rau lwm lub sijhawm uas yuav muaj sijhawm sib tham ua ntej los yog taug hauvtsev hais plaub.

KAB KE MUS HAIS PLAUB

1. Thaum hu txog koj lub npe lawm, sawv thiab mus ntsiag to rau pem lub rooj npaj rau tus raug liam zaum, tig rau tim tus txiav txim
2. Tsev hais plaub yuav hais ncaj qha txog yam koj raug liam, lub txim uas yuav raug, nrog rau tej zauv theem (points) uas yuav nog rau plaub tsav tsheb, thiab yuav kom koj teb seb txhaum, tsis txhaum los yog tsis twv tsis nyom.
3. Yog thawj zaug uas koj tau tuaj lawv li tau teem tseg, koj yeej muaj cai thov kom muab ncua, uas yog muaj caij nyooq mus nrog kws lij choj sab faj.
4. Cov uas teb tias txhaum los yog tsis twv tsis nyom no ces, yuav muaj sijhawm hais ob peb los. Tsev hais plaub yuav saib tub ceevxwm cov lus uas sau tseg, soj ntsuam seb yam uas raug iab liam nyav npaum li cas, thiab koj li keeb kwm yav tas los ua ntej yuav nog txim raws li pom hais tias tsim nyog.
5. Thaum pom hais tias txhaum lawm, yuav nog tus nqi nplua nrog lwm yam nqi uas yuav tsub ntxiv. Tej nqi nplua ntaww yuav tau them tam sim, tiam sis tsev hais plaub kuj yuav ncua mus rau lwm lub sijhawm yog hais tias tsim nyog. Yog hais tias koj tsis them, tsev hais plaub yuav teem dua lwm lub txim uas yog coj mus kaw hauvtsev loj cuj; los yog; txwv tsis pub koj tsav tsheb (txwv koj daim pov thawj tsav tsheb).
6. Cov uas teb hais tias tsis txhaum no ces, yuav muaj ib lub sijhawm mus nrog tus nog txim tham. Yuav teem caij teem nyooq mus sib tham los yog mloog. Koj yuav tau kos npe cog lus ua ntej yuav tso tawm mus.

TSIS THEM TEJ NQI RAUG NPLUA

Nwsyuav muaj Yam tshwm sim nyav yog hais tias koj ua tsis raws li tsev hais plaub tau hais tseg los yog tsis them tej nqi raug nplua. Tsev hais plaub muaj cuab kav muab ib tug neeg mus kaw tsis tshaj li 90 hnub los yog ua ntawv mus txwv tsis pub koj tsav tsheb li ob lub xyoos mus txog rau thaum them tag tso. Tsev hais plaub kuj yuav xa ntawv tuaj raws kom koj tuaj mus hais seb qhov ua rau koj tsis them yog dab tsi. Yog hais tias koj hloov chaw nyob, nco ntsoov qhia rau tsev hais plaub paub.

SIB THAM UA NTEJ (PRETRIAL)

Yog koj teb hais tias Tsis Txhaum, yuav teem kom muaj ib lub sijhawm rau koj mus nrog tus nog txim sib tham seb puas muaj chaw rau. Qhov uas koj tuaj mus sib tham ua ntej tsis yog Yam uas koj yuav tsum ua, tiam sis yog koj xav kom teem sijhawm sib tham ua ntej, koj los yog koj tus kws lij choj yuav tsum tau tuaj tshwm raws li tau teem tseg lawm. Thaum sib tham ua ntej ntawd, tus txiav txim yuav tsis tuaj nyob ntawd thiab yuav tsis txais yuav raws li nej tau sib tham thiab kho.

YOG TSIS TUAJ TSHWM

Yog koj tsis tuaj sib tham raws li tau teem tseg, los yog tuaj hais plaub, tsev hais plaub yuav ua ntawv nrhiav koj ntes los yog cia li nog txim rau koj

UA TXHAUM KEV CAI TSAV TSHEB

Yog thaum pom tias koj ua txhaum kev cai tsav tsheb, Wis.DOT kuj yuav tsub zauv theem(points) ntxiv rau koj txoj kev tsav tsheb, nws kuj yuav ua rau koj raug txwv los yog muab koj daim pov thawj tsav tsheb tshem tawm. Yog thaum koj raug tsub 12 zauv theem(points) rau ib lub xyoo ces koj daim pov thawj tsav tsheb yuav raug rho tawm. Txhua tus uas muaj daim pov thawj tsav tsheb ncua sim yuav raug tsub 2 npaug yog thaum ua txhaum zaum 2 thiab mus rau yav tom ntej. Cov uas tsis tau txog 18 xyoo los yeej raug nplua raws txoj kab ke cov laus yog thaum ua txhaum kev cai tsav tsheb.

COV MENYUAM YAUS TSIS TAU TXOG 18 XYOO

Lub tsev hais plaub no muaj hwjchim tswj cov menuam yaus hnub nyoog 12 xyoos mus txog 17 xyoos uas ua txhaum tej kev cai uas tsis yog tsav tsheb thiab. Menyuam yaus los yeej muaj cai mus teb, thov tib yam nkaus li cov neeg laus. Lawv muaj cai kom coj lawv rooj plaub coj los sib hais nraim nkoos, thiab kuj yeem txoj cai no tib yam thiab. Thaum pom tias ib tug menuam yaus ua txhaum lawm, yuav raug nplua nyiaj. Lawv kuj yuav raug xa mus ua haujlwm pub dawb kom xam tag tej nuj nqi uas raug nplua. Yog tsis them tej nqi thiab tsis ua raws li tsev hais plaub teev tseg, kuj yuav raug muab nws daim pov thawj tsav tsheb rho tawm mus txog li 3 lub xyoos. Yog hais tias ua txhaum txoj cai los ntawm kev haus dej haus cawv, tus neeg ntawv daim pov thawj tsav tsheb kuj yuav raug txwv, txawm yog them thiab tsis them los xij.

PLAUB MUAJ NEEG MLOOG

Tsuas yog thaum koj raug nog txim tsav tsheb vim haus dej haus cawv (OWI), thiaj li muaj cai thov kom muaj neeg tuaj mloog rau kev tuaj teb tias tsis txhaum. 10 hnub tom qab koj tuaj mus teb tias tsis txhaum, koj yuav tau sau ntawv thov kom muaj 6 leej tuaj mloog, tso nyiaj nqi taw rau cov tuaj mloog, muab nyiaj xiab tias koj yuav rov tuaj hais plaub. Yog ua tsis raws li hais los saum no, yuav tsis muaj neeg tuaj nrog koj mloog plaub.

ROOJ PLAUB

Txhua rooj plaub, tshwj tsis yog ua txhaum kev cai tsav tsheb txhaum caí rau cov menyuam hnub nyooog 18 xyoo rov hauv yog qhib rau suav daws. Koj muaj cai mus ntiav kws lij choj thiab hu tim khawv tuaj. Luag yuav xam tias koj ncaj ncees thiab yuav nog txim txhaum, yog muaj tim khawv tseeb, paub meej thiab pom tseeb tias koj tau ua txhaum raws li tau iab liam. Txhua tus tim khawv yuav tau tuaj rau ntawd thiab ua raws li tau cog lus.

Tog nog txim yuav coj tej tim khawv los mus hais raws li muaj thiab lwm yam uas muaj feem cuam tshuam txog qhov koj tau ua txhaum kev cai. Yuav muab sijhawm rau koj thiab koj tus kws lij choj los nug thiab thom txhua tus tim khawv. Thaum tog nog plaub hais lawv feem tas lawm, koj tus kws lij choj yuav muaj feem los hais, thiab koj yuav nyob rau kev thom thiab nug los ntawm tog nog txim tib yam nkaus.

Yuav ua raws li kev cai rau pej xeem thiab siv puav pheej coj los hais.

Thaum muab tej puav pheej coj los hais tas lawm, tog nog txim thiab tog txheem plaub yuav muaj sijhawm los mus xaus lus, uas yuav los sib cav luv luv raws li lub ntsiab lus rau tsev hais plaub. Tom qab ntawd, tsev hais plaub yuav los txiav txim siab raws li tej puav pheej, tej lus pov thawj, txoj cai, seb yuav txiav txim hais tias koj txhaum los tsis txhaum.

Yog tsev hais plaub pom tias koj tsis txhaum, yuav tso koj tawm thiab tej kev iab liam yuav raug muab tso tseg.

Yog pom hais tias koj txhaum, qhov yuav raug txim sib thiab nyhav ntawv nyob ntawm tej xwm txheej ntsig txog yam uas koj ua txhaum thiab koj tej keeb kwm yav tas los. Yog tsim nyog, luag yuav pub 60 hnub rau koj them qhov nqi nplua nrog lwm yam nqi uas tsub ntxiv.

YOG TSIS TXAUS SIAB RAU KEV TXIAV TXIM

Tog rau txim thiab tog txheem plaub muaj t xo j cai taug yog lawv tsis txaus siab lawv li tsev hais plaub txiav txim. Txhua tus uas tsis txaus siab yuav tsum sau ntaub ntawv tsis pub dhau 20 hnub tom qab raug teem lub txim txhaum thiab muab xa mus rau tsev hais plaub loj nroog Sheboygan. Tom qab rooj plaub xaus lawm, yuav muab tej ntaub ntawv hais txog t xo j kev tsis txaus siab uas teev txog kab ke thiab t xo j cai rau suav daws.

YAM NTXWV TUAJ RAU HAUV TSEV HAIS PLAUB

Ntawm no yog tsev hais plaub hais ntug, muaj kab muaj ke thiab muaj puav pheej uas txhua tus yuav tau ua raws li. Yuav tsum nyob ntsiag to thaum tsev hais plaub qhib thiab muab sijhawm rau lwm tus mloog thiab hais lawv rooj. Yog leej twg tsis coj zoo, yuav raug nplua vim ua saib tsis taus lwm tus.

Tej kab ke thiab kev cai no yog npaj los pab kom nej to taub tias lub tsev hais plaub no ua dej num li cas. Yog hais tias koj muaj lus nug txog t xo j kab ke no ces, nug thaum luag hu txog koj rooj.

Thaum xaus no, txawm yog luag yuav pom tias koj yeej thiab swb los, tsev hais plaub xav kom suav daws saib txhua t xo j cai ua qhov tseem ceeb. Vim peb txhua tus xav kom tej kev tsheb muaj kev nyab xeeb, thiab peb lub zej zog yog qhov chaw zoo nyob kaj siab lug thiab zoo khvw noj khvw haus.

SAU LOS NTAWM TSEV HAIS PLAUB:

Honorable Catherine Q. Delahunt
Municipal Judge